



# Equipos de Dinamización da Lingua Galega

PLAN DE FOMENTO DO GALEGO

---

CPI CASTRO BAXOI MIÑO

CURSO 2023-24

# ACTIVIDADES DO EDLG PARA O CURSO ACADÉMICO 23-24.

A nosa pretensión para este curso, ao igual có curso pasado, é conseguir que se implique toda a comunidade educativa, pero fundamentalmente o alumnado, no uso da lingua. Faremos especial fincapé en dar valor ao noso patrimonio cultural, natural e gastronómico máis próximo, co que se pode sentir identificado. Promoveremos campañas cheas de actividades lúdicas e de lecer, na que a colaboración con outros centros e outras entidades acade un lugar importante e onde tamén se potencie a investigación, a análise, a aprendizaxe e moi especialmente o respecto, interese e amor pola nosa lingua.

Asemade pretendemos ser inclusivos nas nosas actividades, isto é, as nosas propostas están adaptadas para todos os nenos do centro independentemente das súas características. Debuxos, lecturas e poemas son unha parte do proxecto en onde todos somos iguais.

Tamén pretendemos fomentar voluntariado entre o noso alumnado a través de accións altruistas de recollida de alimentos e acompañamento nos centros de maiores para recitar ou cantar temas traballados nas aulas.

Por último dicir, despois dunha profunda reflexión, que necesitabamos darlle un xiro as actividades propostas. É unha realidade que os centros de interese do alumnado van mudando e nós observamos que acercándonos aos seus centros de interese obtíñamos mellores resultados.

-Traballo en conxunto coa ANPA, e a asociación de comerciantes de Miño, ambas moi involucradas coa comunidade educativa, para que colaboren con nós en recitales externos, difusión, entrega de Poemiños, mediante reunións mensuais. E tamén, un ano máis, a inclusión do pobo de Miño no noso “ GRAN PROXECTO”:

## POEMIÑOS POLAS LETRAS

Sacar os traballos fóra do centro, involucrar a comerciantes, familias, profesorado e nenos foi un éxito total e, consecuentemente, seguiremos nesa liña de traballo.

# PROXECTOS A DESENVOLVER ESTE CURSO

OUTUBRO:

**-Samain:**

## CONTOS DE TERROR.

En colaboración coa equipa de extraescolares e biblioteca faremos “ A SEMANA DO TERROR”

Biblioteca+ Extraescolares+ EDLG

Biblioteca: Decoración.

Carpetas de Samaín de E.I a terceiro de primaria

Extraescolares: Decoración do corcho da entrada.

EDLG: Semana do terror

-Decoración das clases e dos corchos. Decoración de portas en ESO.

-ESO participa en contos de terror en colaboración co profesorado de

Lingua Galega

O alumnado de 3ºPDC len un conto entre todos para Primaria

O alumnado de 4ºESO ten 9 grupos (9 contos para ler).

-Sorpresa terrorífica para primaria na biblioteca.

De terceiro a sexto lectura de contos. (Micro relatos de medo)

Infantil conto e canción na biblio ( a danza dos esqueletos canción, a bruxa regañadientes e Rufus, o morcego) e primeiro e segundo un conto ( busca Marta)

- Cine na ESO: “Beetlejuice” e “O apóstolo”

- Carpetas de Samaín de E.I a terceiro de primaria

DECORACIÓN DO COLE CON CABAZAS APORTADAS POLO ALUMNADO.

## A CARPETA DO SAMAÍN

En colaboración coa equipa da biblioteca faremos unhas carpetas do samain nas que incluiremos unha selección de libros de lectura adaptados a cada nivel.

Unha carpeta por nivel para compartir ao longo deste mes.

-En colaboración coa equipa de extraescolares faremos unha exposición de cabazas

terroríficas.

En colaboración coa Anpa traeremos un grupo de música tradicional para celebrar o Magosto e o Samaín.

## Día do peón

O 10 de novembro celebraremos o día do peón.

-Traballalo e difundilo nas clases de educación física en colaboración con dito departamento.

- Promover a súa práctica no fogar coas familias.

- E, organizar tiradas conxuntas nas nosas quendas de recreos establecidas.

-Decorar os peóns que traian os nenos, ou facer algún.

- O alumnado de infantil fixo bailaretes nas aulas que despois bailaron no recreo.

**o 10 DE NOVIEMBRE CELEBRAREMOS EN CONXUNTO O MAGOSTO- O DÍA DO PEÓN E O DÍA DOS XOGOS TRADICIONAIS**

Orde : 9:30 manifesto e Peón+ 10:00 a 12:00 xogos tradicionais+ 12:00

castañas+ 12:30 a 13:30 concerto

Extraescolares+Edu. física +EDLG

Extraescolares: Decoración do corcho da entrada.

Xogos tradicionais ( Antes do Magosto. Colaboración de 3º

PDC

Castañas asadas. EDLG: Manifesto do Peón

Animación musical para o Magosto coa colaboración da ANPA. Grupo musical

### DECEMBRO:

- Actividades relacionadas coa temática do Nadal .

## Recuperación de panxoliñas tradicionais da zona de Miño,

para o que pediremos colaboración ás familias. Cada curso aprenderase unha panxoliña, posteriormente será gravada coa idea de difundila nas canles pertinentes

Semana do Nadal.

Durante toda a semana de 9 a 10 o alumnado percorrerá as aulas cantando a súa panxoliña e deixándoa por escrito.

Todas as gravacións subiranse á páxina web e blogue de EDLG “Poemiños polas letras”.

## FEBREIRO

# DÍA DE ROSALÍA

De novo tentaremos reinventarnos para esta celebración invertindo os papeis que se deron ata o momento. Intentaremos que sexan os pequenos do cole quen expliquen aos maiores quen é Rosalía, cantar ou contar, debuxar e regalar.

Nas quendas de recreo, os cursos que coincidan compartirán a súa poesía, canción ou versión de Rosalía. . Todo o material será subido ao blogue.

- Faremos uns murales co un anaco de poema e un debuxo e,despois de plastificalo colgalo na porta da aula. Difundiremos no blog.
- Animar ao alumnado a aprender un fragmento dunha poesía.

Pediremos aos maiores que nos fagan unha presentación en power point, vida e obra, versión actuais...etc

Cada curso gravará o poema elixido para recitar, con dito poema faremos un código QR que colgaremos polo centro. Despois faremos a ruta de Rosalía. Escanearemos dito código e escoitaremos aos nosos compañeiros recitar o poema elixido

## MARZO:

### - Entroido

o tema central do centro este curso é “ Alimentación saludable”. Como continuamos coa gravación de libros para traballar cos códigos QR, este ano tentaremos ofrecerlles ao alumnado libros con esta temática.

Traballaremos directamente coa equipa de extraescolares e biblioteca no uso do galego nestes traballos, asemade, difundiremos entre os tres equipos as características máis importantes do noso entroido .

Taller de máscaras do entroido en colaboración coas seccións bilingües.

Tamén imos potenciar a nosa diversidade cultural instando ao alumnado de 5º, 6º de primaria e da ESO a buscar información sobre os diferentes actos culturais que se desenvolvan no entroido en Galicia. Fotos, vídeos...etc

Faremos unha enquisa para decidir en cal dos nosos entroidos populares queremos incidir, e cada curso, segundo sexa o seu nivel, achegará fotos, debuxo, documentación ao noso blogue que será fonte de información. Traballaremos coas máscaras e traxes do entroido escollido para ser estudado.

O alumnado de secundaria participará na segunda edición das cantigas/ chrigotas do CPI castro Baxoi de mIño, en donde o profesorado será o protagonista. O alumnado terá que facer unha cantiga para estas datas do entroido sobre o profesorado. Serán expostas no taboleiro de EDLG

## ABRIL:

### **NO CASTRO BAXOI DESFRUTAMOS:**

#### **1. Día do libro.**

#### **“Ler ao aire libro”**

Durante a mañá de toda a semana en quendas sairán ao exterior a ler un libro escollido por eles. Pode ser de forma individual ou colectiva.

- Ao remate da semana, cando xa acaben de ler o libro, en cada titoría, os voluntarios que o desexen convertiranse en bookformers”. Terán que elaborar unha breve recomendación sobre o libro favorito na que se incluírá a súa presentación, idade ,título do libro,autor,editorial acompañada dun breve resumo e unha breve explicación de porque lles gustara tanto. Gravaranse con toda a información reamatado a presentación do libro cunha recomendación para lelo. Promovendo así a animación á lectura. Subirémolo a un Padlet colaborativo coa finalidade de difundir o noso traballo.

## MAIO:

### **- Os maios:**

Tras o éxito dos outros anos elaboraremos un maio. Contaremos coa contribución de todo o alumnado para facelo. O alumnado traerá flores que irán poñendo no maio en quendas. Unha vez rematado baixaremos en quendas a velo. Non é unha tradición moi arraigada entre a poboación de Miño, polo que moitos non saben a súa procedencia.

Os máis pequenos recibirán información sobre as peculiaridades do Maio. Buscaremos información sobre as tradicións arredor dos Maios. Con todo o atopado faremos unha documentación que será colgada no noso blogue e na páxina web do cole para ser consultada por o noso alumnado.

Alumnos de primaria farán un power point que enviarán ás clases dos máis pequenos.

### **-Semana das Letras Galegas.**

Actividades relacionadas co autor ao que se lle adica este ano:

#### Luisa villalta

Traballaremos co material enviado pola xunta ( en moitas ocasións MOI tarde). Os alumnos de secundaria, como nos últimos anos, elaborarán material audiovisual para explicarlle aos máis pequenos a vida e obra do autor homenaxeado.

- Durante esta semana, cada aula recibirá unha gravación ou unha videoconferencia.

- Os alumnos de secundaria serán os encargados de explicar aos alumnos de primaria a biografía do autor homenaxeado e de contar, ou cantar algún fragmento da súa obra.
- Con todo o material crearase un libro dixital que será subido ao blogue desta equipa:
- [Poeminospolasletras.blogspot.com](http://Poeminospolasletras.blogspot.com)
- Cantaremos todos xuntos o Himno galego como peche da semana.
- Esta semana propoñeremos o recreo musical coa escoita de música en galego no recreo de primaria.

Asemade, faremos o día dos xogos tradicionais. En colaboración coa equipa de Educación Física estableceremos estacións por onde pasarán os escolares de EI e EP.

Pediremos axuda a Anpa para celebrar unha xornada especial de xogos tradicionais.

## NO CASTRO BAXOI COMPOÑEMOS:

### POEMIÑOS POLAS LETRAS

Xa levamos seis anos traballando neste proxecto que resultou un éxito maior do esperado.. O concello, que está moi implicado neste proxecto, tamén anunciou no seu taboleiro dixital a nosa proposta. Así pois, este ano seguiremos na mesma liña e repetirémolo se as condicións sanitarias nolo permiten. Faremos dúas propostas:

1:- Continuar de forma presencial creando, fotocopiando e distribuindo os poemas como fixemos ata o de agora do seguinte xeito:

Para levalo a cabo precisamos a axuda de:

- Alumnado: Todos os alumnos do cole inventarán unha poesía de temática libre, o EDLG daralle unha plantilla especial co nome do autor homenaxeado. Todas as poesías serán distribuídas polos comerciantes de Miño.
- Titores: Serán os encargados de corrixir ditos poemas e animar aos rapaces a facelos.
- Profesorado de secundaria: Que axudarán e guiarán aos rapaces na elaboración do cartel que identificará este proxecto. A temática será ou Miño ou As Letras Galegas (en todo o seu contido). Tamén o profesorado de Lingua Galega guiará aos rapaces na creación do poema, así como na corrección do mesmo.
- Asociación de comerciantes de Miño. Encargado de difundir entre os socios o proxecto e colaboradores na hora de entregar os Poemas aos seus clientes. Todos os comercios asociados a esta entidade recibiron poemas dos nosos alumnxs para seren entregados coa compra na semana das letras galegas. Todos os comercios tiñan un cartel seleccionado entre os presentados polos alumnos de secundaria no

- concurso de debuxo que fixemos no centro. De algún xeito, gustaríanos engadir que tamén intentamos potenciar a compra nos pequenos comercios da vila.
- Concello de Miño, que colaborará na difusión do proxecto nas súas pantallas informativas, e tamén nas copias dunha parte dos poemas.
  - EDLG, que coordinará todo o entramado do proxecto:
  - recollerá e seleccionará os debuxos de secundaria.
  - Recollerá e comprobará que todos os nenos fixeron a poesía.
  - Porase en contacto co presidente da asociación de comerciantes.
  - Porase en contacto cos comerciantes para informar dos pasos a seguir e explicar cando teñen que dar as poesías.
  - Contactará co concello para darlle as poesías para seren fotocopiadas.
  - Fotocopiará parte importante das poesías no centro.
  - Enroscará e almacenará ditas poesías.
  - Distribuirá en función dos comercios e a súa venta ( no é o mesmo a cantidade de clientes que entran nunha xestoría que no Gadis ou Eroski, que tamén colaboran con nós)
  - E por último levaralle por os comercios as poesías a semana anterior as letras galegas.
- 
- Por último, cada neno recibirá de volta a súa poesía, aínda que é moi gratificante ver como traen a escola aquelas que conseguiron coas súas compras en Miño.

## Proxectos anuais explicados máis polo miúdo

### “@ maleta do GALEG@ ”

- Nas aulas de primaria de infantil a 4º desenvolverase este ano unha potenciación da oralidade da lingua galega. O obxectivo primordial é conseguir que o noso alumnado empregue a lingua galega de forma cotiá.
- Partiremos inicialmente dúas maleta de libros en lingua galega que se deixará cada semana nunha clase.
- De aquí tamén pode saír algún bookformer
  - Cada curso terá que escoller unha poesía, que a poden aprender e gravar ou recitar. Dita poesía será escrita nos taboleiros de cortiza dos corredores.



## CONTOS A CARÓN DA LAREIRA.

Con esta fermosa idea pretendemos fomentar o gusto pola lectura en galego. A nosa idea principal é pedir colaboración ás familias para que os nenos que así o desexen nos envíen contos lidos desde casa e en colaboración con toda a familia. Un proxecto sinxelo e motivador no que semanalmente iremos engadindo os contos enviados polas familias para que todos os cursos de primaria o podan escoitar.

Estes contos serán subidos ao noso blog: [poeminospolasletras.blogspot.com](http://poeminospolasletras.blogspot.com).

Cabe salientar o éxito da nosa iniciativa que botamos a andar en decembro do curso pasado.. Son moitas as familias que colaboran con nós e que non só gravan á rapazada, senón que nos envían tamén as súas producións. Tentaremos incluír á comunidade educativa para que nos conten os seus contos preferidos.

## PROXECTO AUDIO-LIBROS CON CÓDIGO QR. FOMENTO DA LECTURA .PROTAGONISTA DO TEU LIBRO: NO CASTRO BAXOI LEMOS...

- Debido ao éxito de convocatorias anteriores continuamos un curso máis con este proxecto.
- Este proxecto consta de varias partes e procesos.
- O primeiro é seleccionar 1 libro por curso adaptados ao nivel do alumnado.
- Cada titor repartirá os libros entre os seus alumnos e preparará a lectura con eles.
- Explicar aos alumnos o que é un código QR
- 
- Temporalización:
- Como o proxecto está pensado para facer en varios anos, este sexto ano só serán 1 libro por curso.
- Nas datas indicadas gravarase ao alumnado previo traballo do libro.
- Esa gravación xerará un código QR que será pegado no libro e devolto a cada aula.
- 
- E será enviada unha copia por trimestre aos colexios colaboradores.

### - Contextualización do proxecto:

- Revisando os títulos máis lidos da biblioteca observamos que a maior parte deles eran en castelán así que decidimos intentar incrementar os libros lidos en galego usando varias vías.

- Dividimos por niveis os libros e os repartimos entre o alumnado dos cursos elixidos.
- -Cada grupo de nenos, (3 ou 4) preparaban ese libro lendo en voz alta a parte que lle toca a cada un. Despois ensinámoslles o mecanismo de gravación.
- - Levamos a cada grupo á radio e alí gravamos o conto.
- Neste proceso están involucrados os alumnos de 6º que xa son quen de gravar aos máis pequenos.
- Unha vez que o libro está gravado subimos ese audio a un soundcloud e copiamos a URL nunha páxina que xenera automáticamente un código QR.
- Así, convertemos aos libros en audio- libros escaneando os códigos QR.
- A continuación estes libros serán distribuídos polas aulas para que os nenos os podan levar para casa e que as súas familias sean quen de escoitalos, o que tamén implica as familias na lectura dos libros en galego.
- Periódicamente o libros serán cambiados de aulas ou expostos na biblioteca para que un maior número de nenos accedan a eles.
- Entendemos que de este xeito fomentamos a lectura en galego.
- A maiores estamos en contacto cos seguintes colexios para facer un intercambio anual de audio-libros e pouco a pouco intentar ampliar o proxecto a outros ámbitos da cultura galega.
- - CRA de Bergondo en colaboración co EDLG.
- -Eladia Mariño, Cabanas.
- Colaboración directa co CPI Cruz do Sar Bergondo.
- Intercambio de visitas guiadas coa finalidade de potenciar a nosa contorna.
- Toma de contacto entre as equipas de EDLG de ambos centros.
- Visitas en Miño a “Senda dos Sentidos” e ata a Ponte do Porco. Explicaremos a nosa flora e fauna alí lles contaremos a lenda de Roxin Roxal. Entrega de cartaz feito polo alumnado
- Será un intercambio entre etapas, nós participaremos nunha xornada de convivencia con alumnado de primaria e eles con alumnado de secundaria.
- Despois de esta visita iremos a Bergondo.
- A realizar este ano por falta de orzamento o curso pasado.

## NO CASTRO BAXOI CANTAMOS:

### CANCIÓN DO MES

- Cada mes proponemos tres cancións en lingua galega que se publicará nas redes sociais do cole e nas da equipa de dinamización.

- Poñerase na megafonía do cole na entrada e saída. Traballarase nas aulas. Elaboraremos, en colaboración co departamento de música, unha lista de música tradicional galega, de onte e de hoxe cos seguintes obxectivos:
- O obxectivos:
- Fomentar e dar a coñecer artistas galegos, tanto tradicionais coma música contemporánea e moderna na nosa lingua.
- Aprender vocabulario e fomentar a expresión oral.
- Difundir a nosa cultura.
- Programar e desenvolver medidas para o fomento do uso do idioma galego nos diferentes eidos sociais e económicos.

## NO CASTRO BAXOI RECOMENDAMOS...

- Queremos difundir, promover e dinamizar o uso da lingua galega a través dos Bookformers ou booktubers.
- Cada curso recomendará un libro mensualmente mediante un vídeo resumo. Nese resumo aparecerá o título, autor e edición, nome e apelidos do alumno/a así como un resumo sen desvelar o final. Os vídeos mensuales serán subidos a un padlet deseñado para tal fin que será enlazado á páxina web do colexio e a o blogue da equipa. Nas aulas revisarase semanalmente ensinándollo á rapazada para fomentar a participación. Ademais mandaremos un comunicado abalar para implicar e publicitar coas familias.

Desde as aulas revisarase semanalmente o títulos recomendados e a equipa da biblioteca favorecerá o préstamo dos mesmos ao alumnado interesado.

## A radio

- Se a radio se pon en marcha gravaremos todas as nosas seleccións para a súa difusión( contos de medo, poemas de Rosalía, día das letras galegas...etc)
- Poemas, cancións, biografías, recitais e demais será o que gravaremos ao longo do curso se o espazo nolo permite.
- Ademais dunha recopilación das propostas mensuais desta equipa.

## NO CASTRO BAXOI DIFUNDIMOS, INVESTIGAMOS E ELABORAMOS.

- Coa finalidade de difundir a cultura oral popular e ante a carencia que amosa o noso alumnado de cara a dito coñecemento, esta equipa propón un traballo semanal de acción tutorial co alumnado co fin de facilitar a divulgación.
- Así pois, facilitaremos un dossier a cada titoría no que se incluírá refráns, cancións, ditos, trabalinguas...etc. Cada titor traballará semanalmente na hora de lectura elaborando un dossier propio e engadindo máis propostas ás que xa temos. Así, entre todas, conseguiremos, curso tras curso, engadir e aumentar o noso patrimonio oral popular.

Ditas aportacións, en diferentes formatos, serán publicadas nas canles habituais.

## RECEITAS DE COCIÑA

- En colaboración con equipa de extraescolares e biblioteca elaboraremos un libro coas receita de cociña coa temática do outono.
- Pediremos colaboración ás familias que realizarán un resumo da receitas con fotos.
- Elaboraremos un libro coas achegas do alumnado.

## O CASTRO BAXOI XOGA: DIFUSIÓN DE XOGOS EN GALEGO...

- **DÍGOCHO EU**

Cada trimestre esta equipa elaborará un xogo adecuado a cada etapa. Será entregado por o alumnado da aula específica.

## COMPOSICIÒN DO EDLG

Belén Estrada

Mar Ares

Roberto García

Antía Ruiz

Mónica Lista

María Jesús Ares

Eva Fernández